



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil 7-oktabr

08-279-son

Ўзбекистон Республикаси Президентининг 2021 йил 13 июлдаги ПФ–6260-сон Фармони ижроси тўғрисида

Ўзбекистон Республикаси Президентининг 2021 йил 13 июлдаги “Ёшларни ҳар томонлама қўллаб-қувватлаш ва уларнинг ижтимоий фаоллигини янада оширишга оид қўшимча чора-тадбирлар тўғрисида”ги ПФ–6260-сон Фармонида белгиланган вазифалар ижросини таъминлаш, Тошкент давлат юридик университети талабаларининг бўш вақтларини мазмунли ташкил этиш, уларнинг иқтидор ва истедодларини рўёбга чиқаришлари учун кенг имкониятлар яратиш, ижтимоий ҳимояга муҳтож оила фарзанди бўлган талабаларни қўллаб-қувватлаш мақсадида

БУЮРАМАН:

1. Ўзбекистон Республикаси Президентининг 2021 йил 13 июлдаги “Ёшларни ҳар томонлама қўллаб-қувватлаш ва уларнинг ижтимоий фаоллигини янада оширишга оид қўшимча чора-тадбирлар тўғрисида”ги ПФ–6260-сон Фармони маълумот ва ижро учун қабул қилинсин.

2. Фармон билан:

“Темир дафтар”га киритилган оилаларнинг давлат олий таълим муассасаларида таълим олаётган фарзандларига 2021/2022 ўқув йилида биринчи ўқув йили учун тўлов-контрактнинг тўлиқ суммаси Давлат бюджети маблағлари ҳисобидан қоплаб берилиши белгиланганлиги;

“Темир дафтар” ва “Аёллар дафтари”га киритилган оилалар фарзандлари ҳамда “Ёшлар дафтари”га киритилган ёшларга янги турмуш қураётганида ўз хонадонидида қўшимча уй-жой қуриши учун 33 миллион сўмгача гаровсиз кредит ажратилиши тартиби жорий этилганлиги;

ёш оилаларнинг ижтимоий ҳимоясини кучайтириш мақсадида ипотека дастури доирасида бошланғич бадал ва фоиз тўловлари бўйича қўшимча

2 мингта ёш оилага уй-жой сотиб олиши учун субсидия ажратиш белгиланганлиги;

2021 йил 1 сентябрдан бошлаб республикадаги олий таълим муассасаларида тўлов-контракт асосида ўқиётган талабалар учун Марказий банкнинг асосий фоиз ставкаси миқдорида ва ўқиш муддати тугагандан кейин еттинчи ойдан бошлаб 7 йил муддатда қайтариш шартлари асосида таълим кредитлари берилиши тартиби жорий этилганлиги;

давлат органлари, ташкилот ва муассасаларида фаолият кўрсатаётган нуфузли халқаро рейтинг ташкилотларининг юқори 500 талик рўйхатига киритилган хорижий олий таълим муассасаларини (бакалаврият, магистратура) тамомлаган ёки уларда илмий даража (PhD ва унга тенглаштирилган бошқа илмий даража) олган ёш мутахассисларнинг лавозим маошига Давлат бюджети маблағлари ҳисобидан қўшимча устамалар тўлаб бориш тартиби жорий этилганлиги;

2021 йил 1 сентябрдан бошлаб Тошкент шаҳрида Ёшлар бизнес мактаби, 2022 йилдан бошлаб барча ҳудудларда унинг филиаллари ташкил этилиши белгиланганлиги;

2021/2022 ўқув йилидан босқичма-босқич умумий ўрта ва ўрта махсус, профессионал ва олий таълим муассасаларида ахборот технологиялари дарслари Кембриж дастури асосида ўтказилишини ҳамда ўқитувчиларнинг ушбу дастур асосида қайта тайёрлаш амалиётини жорий этиш белгиланганлиги;

ёшлар томонидан кўтарилган таклиф ва ташаббуслар, муаммо ҳамда масалалар ечими юзасидан ҳар йили Ўзбекистон Республикаси ёшлари куни арафасида Ҳукуматнинг дастури, шунингдек, Қорақалпоғистон Республикаси Вазирлар Кенгаши, вилоятлар ва Тошкент шаҳар, туман ва шаҳар ҳокимликларининг алоҳида ҳудудий дастурлари қабул қилиниши ҳамда мазкур дастурлар ёшларнинг билим ва касб-ҳунар эгаллаши, улар учун муносиб иш ва турмуш шароитини яратиш, бўш вақтини мазмунли ташкил этишга қаратилган комплекс чора-тадбирлардан иборат бўлиши белгиланганлиги;

2021 йил 1 октябрдан бошлаб ҳар йили ёшларга мўлжалланган бадиий асарлар муаллифларини рағбатлантириш мақсадида “Болалар ва ёшлар учун энг яхши китоб” танловини ташкил этиш белгиланганлиги инобатга олинсин.

3. 2021/2022 ўқув йилида тўлов-контракт асосида Тошкент давлат юридик университети (бундан буён матнда – университет) талабалигига тавсия этилган “Темир дафтар”га киритилган оилаларнинг фарзанди бўлган

талабаларнинг контракт суммасини давлат томонидан тўлаб берилишига тавсия этиш бўйича комиссия таркиби иловага мувофиқ тасдиқлансин.

4. Маънавият ва маърифат маркази (Ш.Пўлотов) ҳамда факультет деканлари:

2021/2022 ўқув йилида ўқишга тавсия этилган “Темир дафтар”га киритилган оилаларнинг фарзандларига тўлов-контрактнинг тўлиқ суммаси Давлат бюджети маблағлари ҳисобидан қоплаб берилиши тартиби жорий этилганлиги юзасидан кенг тушунтириш ишларини олиб борсин;

2021/2022 ўқув йилида университетга тўлов-контракт асосида ўқишга тавсия этилган “Темир дафтар” рўйхатига киритилган оилаларнинг фарзанди бўлган талабаларнинг рўйхатини шакллантирсин ҳамда уларнинг тегишли ҳужжатларини умумлаштириб университет комиссияси муҳокамасига тақдим этилишини таъминласин;

ижтимоий ҳимояга муҳтож талабаларни ҳар томонлама қўллаб-қувватлаш бўйича тегишли чора-тадбирларни амалга оширсин.

5. Университет комиссияси (А.Ҳашимхонов):

факультет деканатлари томонидан тақдим этилган маълумотларни ҳар томонлама таҳлил қилган ҳолда номзодлар орасидан белгиланган талабга жавоб берадиганларини тавсия этиш чораларини кўрсин;

комиссия фаолияти очик ва ошкора ҳамда адолатли тарзда олиб борилишини таъминласин.

6. Мазкур буйруқ ижроси назоратини ўз зиммамда қолдираман.

Ректор в.в.б.



И. Рустамбеков

Лойиҳа киритди:
Маънавият ва маърифат
маркази директори

Ш. Пўлотов

Келишилди:

Проректор

А. Хашимҳонов

Юридик бюро
катта юрисконсулти

Э. Хосилов

2021/2022 ўқув йилида тўлов-контракт асосида Тошкент давлат юридик университети талабалигига тавсия этилган “Темир дафтар”га киритилган оилаларнинг фарзанди бўлган талабаларнинг контракт суммасини давлат томонидан тўлаб берилишига тавси этиш бўйича комиссия таркиби

А.Хашимхонов	–	Ёшлар масалари ва маънавий-маърифий ишлар бўйича проректори, комиссия раиси
А.Иминов	–	Молия-иқтисод масалари бўйича проректор, аъзо
М.Парпиев	–	Бош бухгалтер, аъзо
Ш.Сайдуллаев	–	Оммавий ҳуқуқ факультети декани, аъзо
Б.Хаджаев	–	Хусусий ҳуқуқ факультети декани, аъзо
Д.Камалова	–	Жиноий одил судлов факультети декани, аъзо
Д.Умарханова	–	Халқаро ҳуқуқ ва қиёсий ҳуқуқшунослик факультети декани, аъзо
А.Бабаджанов	–	Магистратура ва сиртқи таълим факультети декани, аъзо
М.Ўразалиев	–	Университет касаба уюшмаси раиси, аъзо
У.Ҳайдарова	–	Хотин-қизлар масаласи бўйича маслаҳат кенгаши раиси, аъзо
С.Абдуҳафизов	–	Ўзбекистон ёшлар иттифоқи бошланғич ташкилоти ёшлар етакчиси
Ш.Пўлотов	–	Маънавият ва маърифат маркази директори, масъул котиб